

Gorchymyn drafft a osodwyd gerbron Cynulliad Cenedlaethol Cymru o dan adrannau 84A(11)(a) a 84A(13)(b) o Ddeddf Tai 1985, i'w gymeradwyo drwy benderfyniad gan Gynulliad Cenedlaethol Cymru.

OFFERYNNAU STATUDOL
CYMRU DRAFFT

2016 Rhif (Cy.)

TAI, CYMRU

**Gorchymyn Deddf Tai 1985
(Diwygio Atodlen 2A) (Troseddau
Difrifol) (Cymru) 2016**

NODYN ESBONIADOL

(Nid yw'r nodyn hwn yn rhan o'r Gorchymyn)

Mae erthygl 2 o'r Gorchymyn hwn yn diwygio Atodlen 2A i Ddeddf Tai 1985. Mae Atodlen 2A yn rhestru'r troseddau difrifol sy'n ymwneud â'r seiliau absoliwt ar gyfer meddiannu am ymddygiad gwrthgymdeithasol y darperir ar eu cyfer gan adran 84A o Ddeddf Tai 1985 (tenantiaethau diogel), a sail 7A o Ran 1 o Atodlen 2 i Ddeddf Tai 1988 (tenantiaethau sicr). Mae adrannau 1 a 2 o Ddeddf Caethwasiaeth Fodern 2015 yn cyflwyno troseddau sy'n ymwneud â chaethwasiaeth, caethwasanaeth a llafur o dan orfod neu lafur gorfodol, a masnachu pobl yn y drefn honno. Mae'r Gorchymyn hwn yn ychwanegu'r troseddau hyn at Atodlen 2A i Ddeddf Tai 1985.

Ystyriwyd Cod Ymarfer Gweinidogion Cymru ar gynnal Asesiadau Effaith Rheoleiddiol mewn perthynas â'r Gorchymyn hwn. O ganlyniad, ystyriwyd nad oedd yn angenrheidiol cynnal asesiad effaith rheoleiddiol o'r costau a'r manteision sy'n debygol o ddeillio o gydymffurfio â'r offeryn hwn.

Gorchymyn drafft a osodwyd gerbron Cynulliad Cenedlaethol Cymru o dan adrannau 84A(11)(a) a 84A(13)(b) o Ddeddf Tai 1985, i'w gymeradwyo drwy benderfyniad gan Gynulliad Cenedlaethol Cymru.

OFFERYNNAU STATUDOL
CYMRU DRAFFT

2016 Rhif (Cy.)

TAI, CYMRU

**Gorchymyn Deddf Tai 1985
(Diwygio Atodlen 2A) (Troseddau
Difrifol) (Cymru) 2016**

Gwnaed

Yn dod i rym

16 Chwefror 2016

Mae Gweinidogion Cymru yn gwneud y Gorchymyn a ganlyn drwy arfer y pwerau a roddwyd iddynt gan adran 84A(11)(a) o Ddeddf Tai 1985(1).

Yn unol ag adran 84A(13)(b) o'r Ddeddf honno, gosodwyd drafft o'r Gorchymyn hwn gerbron Cynulliad Cenedlaethol Cymru ac fe'i cymeradwywyd ganddo drwy benderfyniad.

Enwi, cychwyn a chymhwyso

1.—(1) Enw'r Gorchymyn hwn yw Gorchymyn Deddf Tai 1985 (Diwygio Atodlen 2A) (Troseddau Difrifol) (Cymru) 2016 a daw i rym ar 16 Chwefror 2016.

(2) Mae'r Gorchymyn hwn yn gymwys o ran Cymru.

Diwygio Deddf Tai 1985

2.—(1) Mae Deddf Tai 1985 wedi ei diwygio fel a ganlyn.

(1) 1985 p. 68. Mewnosodwyd adran 84A gan adran 94(1) o Ddeddf Ymddygiad Gwrthgymdeithasol, Troseddu a Phlisma 2014 (p. 12).

(2) Yn Atodlen 2A(1) (sail absoliwt ar gyfer meddiannu am ymddygiad gwrthgymdeithasol: troseddau difrifol) ar ôl paragraff 29 mewnosoder—

“*Modern slavery*

29A An offence under either of the following sections of the Modern Slavery Act 2015(2)—

- (a) section 1 (slavery, servitude and forced or compulsory labour),
- (b) section 2 (human trafficking).”

Y Gweinidog Cymunedau a Threchu Tlodi, un o
Weinidogion Cymru
Dyddiad

(1) Mewnosodwyd Atodlen 2A gan adran 94(2) o Ddeddf Ymddygiad Gwrthgymdeithasol, Troseddu a Phlisma 2014 ac Atodlen 3 iddi.

(2) 2015 p. 30.